



**JKP“ZENICATRANS-PREVOZ PUTNIKA”d.d.
ZENICA**

**Bosna i Hercegovina
Federacija Bosne i Hercegovine
Zeničko – dobojski kanton
Grad Zenica
Gradsko vijeće Zenica**

IZVJEŠTAJ O POSLOVANJU ZA 2015. GODINU

Zenica, april 2016. godine

1. DJELATNOST

“Zenicatrans-prevoz putnika” d.d Zenica je Javno komunalno preduzeće sa kapitalom u kom učešće imaju Grad Zenica 83,7196% i radnici preduzeća 16,2804 % (privatizacija po Markoviću).

Društvo je osnovano 1958. godine u mjesecu martu, a nakon brojnih promjena društvo je registrovano kao dioničarsko društvo na osnovu Rješenja Suda broj: MBS: 43-02-0013-09 (stari broj I-562), a 13.03.2007. godine nastao je JKP “Zenicatrans – prevoz putnika” D.D. Zenica – usaglašavanjem Statuta preduzeća sa odredbama Zakona o privrednim društvima i Zakona o javnim preduzećima i promjena naziva donešeno je Rješenje Općinskog Suda u Zenici broj: 043-0-Reg-07-000308.

Sjedište društva je u Zenici. U skladu sa odredbama naprijed navedenih Zakona, Statutom Društva utvrđena je djelatnost JKP “ Zenicatrans – prevoz putnika” D.D. Zenica i to: prevoz putnika u drumskom saobraćaju (domaćem i međunarodnom), redovni (linijski), ostali prevoz putnika u gradskom i prigradskom, međugradskom i međunarodnom saobraćaju, redovno (linijski), ostali prevoz putnika u drumskom saobraćaju, ostale prateće djelatnosti u kopnenom saobraćaju, djelatnost putničkih agencija i turoperatora, ostale usluge, vanjska trgovina na veliko, uvoz – izvoz, posredništvo u trgovini i drugo.

Od 2015. godine funkciju direktora društva obavlja Borić Jusuf , Odluka broj: 211-7/15 od 20.02.2015. godine.

Odlukom Skupštine društva broj 15-2/15 od 01.10.2015. godine imenovan je Nadzorni odbor:

1. Dizdarević Suvad – predsjednik
2. Horić Adnan – član
3. Husić Šefik – član

U skladu sa registrovanom djelatnošću u Društvu se obavljaju poslovi po organizacionim jedinicama i to:

1. Sektor tehničke operative:
 - a) RJ saobraćaj
 - b) RJ održavanje
 - c) RJ autobuska stanica
2. Sektor zajedničkih poslova
3. Služba kontrole (kao samostalna služba)

2. ZAPOSLENOST

Na dan 31.12.2015. godine bilo je zaposleno 183 zaposlenika, od čega 10 VSS, 2 VŠ, 25 SSS, 4 VKV, 121 KV, 1 PK i 20 NK .

3. FINANSIJSKO POSLOVANJE PREDUZEĆA, ANALIZA POSLOVANJA I PODUZETE MJERE

U periodu I – XII 2015. godine raspolagali smo prosječno sa 57 autobusa, od kojih je 7 neispravnih i nisu u eksploataciji.

Prosječna starost voznog parka sa 31.12.2015. godine je 15,6 godina.

Ostvarena ukupna kilometraža u 2015. godini iznosi 3.627.672 Akm i manja je za 0,8% u odnosu na isti period 2014. godine.

Ukupan broj prevezenih putnika je 5.985.887 putnika

U 2015. godini utrošeno je 1.345.327 litara nafte ili 37,08 lit/100 km.

BILANS USPJEHA ZA PERIOD I – XII 2015. GODINE

RB		Ostvareno I-XII /14	Planirano I-XII /15	Ostvareno I-XII /15	Razlika 5-3	Razlika 5-4	Index 5:3	Index 5:4
1	2	3	4	5	6	7	8	9
1.	PRIHOD	6.574.468	6.528.000	6.537.215	-37.253	9.215	99,4	100,1
2.	RASHODI	7.256.222	6.525.000	7.018.073	-238.149	493.073	96,7	107,6
3.	DOBITAK	-	3.000	-	-	-	-	-
4.	GUBITAK	681.754	-	480.858	-200.896	-483.858	70,5	-

U 2015. godini ostvaren je ukupan prihod u iznosu od 6.537.215,00 KM ili za 0,6% manje u odnosu na 2014. godinu, odnosno 0,1% više u odnosu na planska predviđanja.

U 2015. godini rashodi su iznosili 7.018.073,00 KM i manji su za 3,3% u odnosu na 2014. godinu, a u odnosu na planska predviđanja veći su za 7,6%.

Najveći troškovi su troškovi dizel goriva, plate radnika, troškovi rezervnih dijelova za vozila, troškovi po tužbama radnika na ime razlike plata.

Troškovi dizel goriva manji su u odnosu na 2014. godinu za 9,4%. Trošak je umanjen zbog niže cijene nafte u odnosu na prošlogodišnju.

Zbog presude Kantonalnog suda po tužbi radnika na ime razlike plata (isplaćenih u odnosu na plate po kolektivnom ugovoru) iz ranijeg perioda isplaćeno je 17.207,00 KM (kamate), 82.430,00 KM (glavnica) i troškovi sudskog postupka i usluge advokata 9.666,00 KM, što ukupno iznosi 109.303,00 KM.

U periodu od 2007. god. do 2015. god. ostvarenje troška po tužbi radnika je 5.081.491,00 KM.

Upoređujući akumulirani gubitak iz bilansa stanja u zadnjih 9 godina od 2007. do 2015. godine u iznosu od 4.410.637,00 KM sa iznosom sredstava koja su u tom periodu isplaćena po tužbama

radnika u iznosu od 5.081.491,00 KM, jasno se vidi da nije bilo tužbi akumulirani dobitak bi iznosio 670.854,00 KM.

Trošak bruto plate u 2015. godini veći je u odnosu na 2014. godinu za 5,7% zbog većeg broja zaposlenih u odnosu na 2014. godinu.

Trošak rezervnih dijelova (rezervni dijelovi iz skladišta i tekuće održavanje vozila -dobavljači), je veći za 15,9% od 2014. godine, zbog više opravki neispravnih vozila u našoj garaži. Posmatrajući prihode i rashode s jedne strane, te njihovo ostvarenje s druge strane, vidljivo je da smo u izvještajnom periodu poslovali sa gubitkom od 480.858,00 KM.

Posmatrajući finansijski rezultat za period I – XII 2014. godine (gubitak 681.754,00 KM) i period I – XII 2015. godine (gubitak 480.858,00 KM), vidimo da je ovogodišnji gubitak manji od prošlogodišnjeg za 200.896,00 KM, a u odnosu na postavljeni plan veći za 483.858,00 KM.

Gubitak je u najvećoj mjeri nastao zbog većih troškova rezervnih dijelova iz skladišta, plata radnika, kao i isplate radnicima po presudi:

Glavnica = 82.430,00 KM

Kamata = 17.207,00 KM

Troškovi sudskog postupka i usluge advokata = 9.666,00 KM

UKUPNO = 109.303,00 KM

Sumirajući sve gore navedeno, te uzimajući u obzir gubitak od 480.858,00 KM i upoređujući ga samo sa troškovima koji su proistekli po tužbama radnika, vidljivo je da bi konačan rezultat iz redovnog poslovanja bez troškova po tužbama iznosio negativan 371.555,00 KM.

U 2015. godini su realizovana investiciona ulaganja u iznosu od 288.365,00 KM.

Prema strukturi realizovane su investicije:

- u nabavku opreme; računari, printer i ostalo = 17.442,00 KM,
- nabavka rabljenih autobusa = 227.710,00 KM,
- nabavka putničkih vozila = 25.898,00 KM,
- radovi na građevinskom objektu = 17.315,00 KM.

4. POSLOVANJE I PROBLEMATIKA PREDUZEĆA

Poslovanje JKP „Zenicatrans – prevoz putnika“ d.d. Zenica u 2015. godini se odvijalo u vrlo teškim uslovima.

Preduzeće je poslovalo sa gubitkom od 480.858,00 KM. Gubitak je u najvećoj mjeri nastao zbog većih troškova rezervnih dijelova iz skladišta, plata radnika, kao i isplate radnicima po presudi. Kantonalnog suda na ime razlike plata (isplaćenih u odnosu na plate po kolektivnom ugovoru).

U 2015. godini trošak po tužbama radnika je iznosio 109.303,00 KM (glavnica, kamate, sudski troškovi). U posljednjih devet godine (od 2007. do 2015. god.) troškovi po tužbama radnika koji smo isplatili su iznosili 5.081.491,00 KM, što bi ugrozilo poslovanje i mnogo većih preduzeća nego što je JKP „Zenicatrans-prevoz putnika“ dd Zenica .

Veliki uticaj na poslovanje je imao i nelegalan prijevoz. Analizom je pokazano da JKP „Zenicatrans-prevoz putnika“ dd Zenica godišnje gubi cca 4.300.000,00 KM zbog nelegalnog prijevoza, a budžet kantona godišnje gubi cca 750.000,00 KM po ovom osnovu.

Problem koji je bio stalno prisutan je naplata potraživanja od Kantona, Rudnika Zenica i Metalnog, te ostalih korisnika usluga, što je itekako uticalo na isplatu naših obaveza prema državi, dobavljačima i radnicima.

5. RAD NADZORNOG ODBORA I DIREKTORA PREDUZEĆA

Izveštaj o radu Nadzornog odbora i direktora JKP „Zenicatrans- prevoz putnika“ dd Zenica za 2015. godinu se nalazi kao prilog izvještaju.

6. MIŠLJENJE OVLAŠTENOG REVIZORA

Mišljenje nezavisnog revizora finansijskih izvještaja za JKP „Zenicatrans – prevoz putnika“ D.D. Zenica za 2015. godinu se nalazi kao prilog izvještaju.

7. PLANSKE AKTIVNOSTI U 2016. GODINI

Plan poslovanja JKP „Zenicatrans – prevoz putnika“ d.d. Zenica za 2016. godinu dostavljamo u prilogu.

Dostavljeno:
1x Naslov
1x a/a

Direktor Društva

Mr. Sc. Borić Jusuf, dipl.ing